

كلمات مؤثرة من عضو "أطفال شوارع" يصف بها السجن



الخميس 16 يونيو 2016 02:06 م

محمد عادل عضو فريق اطفال شوارع...يكتب من داخل زنزانه:

- محدش يستهون بأي كلمة حتى ولو صغيرة لواحد مسجون .. " شد حيلك " أو " ما تخافش " .. أنا اعرف هنا ناس اللي مانعها تتجن أو تموت نفسها كلمة صغيرة من دول .

- أنا بابص على النتيجة ست سبع مرات الاقيها نفس اليوم .. زهقت .. اليوم هنا في السجن طويل لدرجة إنني بانام و باقوم ست سبع مرات في نفس اليوم .

- في السجن هنا رجالة بشنبات بتتكور تحت ملاياتها بليل و يعيطوا .. السجن بيكسر الناس .. أنا كل ما أتكور تحت ملاية أمي علشان اتكسر و اعيط اشم ريحة معفنة اروح قايم .

- أي هواية في السجن مملة .. القراية مملة .. الكتابة مملة .. الغنا ممل .. الناس برا عايشة في نعمة مش مقدرها .. أكبر نعمة في الكون إنك تقوم و تفتح باب الاوضة و تنزل الشارع .

- عدى علينا أكثر من خمسة جايين يقابلوا السيسي و اتقبض عليهم عند قصر الاتحادية و جم بيّتوا هنا .. واحد منهم مصمم انه المهدي المنتظر .. طمني عليكو برا .. انتوا اتجنتوا ؟

- معانا دكتور اقتصاد و لواء جيش و مهندس و مترجم في الداخلية و سكرتير نيابة و دكتور و ممرض و رجل أعمال و شيخ أزهر .. أنا نفسي افهم مين لسه برا ؟!

- فيه ناس ما كنتش أتوقع أبدًا يجوا جم .. وناس كنت مستنيهم بياتوا ليل نهار قدام القسم شوفت وشهم مرة صدفه كده وخلص .. الصحاب بيتغربلوا يا كبير :